

PRIMLJENO: 25. 05. 2026			
Org. jed.	Broj	Prilog	Prijednost
02-1	772-1	26	

UNIVERZITET U SARAJEVU – FAKULTET POLITIČKIH NAUKA

Na osnovu člana 69. i člana 123. Zakona o visokom obrazovanju („Službene novine Kantona Sarajevo“ broj: 36/22, 28/25), člana 111. u vezi sa članom 236. Statuta Univerziteta u Sarajevu (01-14-35-1/23) i prijedloga odsjeka Sociologija, po prethodnoj saglasnosti sekretara, Vijeće Univerziteta u Sarajevu Fakulteta političkih nauka na sjednici održanoj 12.05.2026. godine donijelo je Odluku o imenovanju članova Komisije za izbor saradnika – višeg asistenta na naučnu oblast „Sociologija“ Univerziteta u Sarajevu – Fakulteta političkih nauka (Odluka br 02-1-697-1/26 od 12.05.2026. godine), u slijedećem sastavu:

1. PROF. DR. ASIM MUJKIĆ, REDOVNI PROFESOR (NAUČNA OBLAST FILOZOFSKIH NAUKA), PREDSJEDNIK;
2. PROF. DR. VALIDA REPOVAC-NIKŠIĆ, REDOVNA PROFESORICA (NAUČNA OBLAST SOCIOLOGIJA), ČLANICA;
3. PROF. DR. DINO ABAZOVIĆ REDOVNI PROFESOR (NAUČNA OBLAST SOCIOLOŠKIH NAUKA), ČLAN.

Nakon izvršenog uvida u podnesene prijave, Komisija podnosi Vijeću Univerziteta u Sarajevu – Fakulteta političkih nauka slijedeći

I Z V J E Š T A J

s prijedlogom za izbor akademskog osoblja u saradničko zvanje VIŠI ASISTENT na naučnu oblast „Sociologija“

IZVJEŠTAJ sadrži

- I. OPĆI DIO SA PODACIMA O KONKURSNOJ PROCEDURI
- II. OSNOVNI BIOGRAFSKI PODACI KANDIDATA
- III. OBRAZOVANJE KANDIDATA
- IV. NAUČNO-ISTRAŽIVAČKI I STRUČNI RAD KANDIDATA
- V. ZAKLJUČCI KOMISIJE S PRIJEDLOGOM ZA IZBOR

I OPĆI DIO SA PODACIMA O KONKURSNOJ PROCEDURI

Konkurs za izbor akademskog osoblja na Univerzitet u Sarajevu – Fakultet političkih nauka, u saradničko zvanje – viši asistent:

1. Na naučnu oblast „Sociologija“1 izvršilac (radni odnos na određeno vrijeme (5 godina) sa punim radnim vremenom);

objavljen je u listu Dnevni Avaz, na web stranici Univerziteta u Sarajevu i web stranici Univerziteta u Sarajevu – Fakulteta političkih nauka dana 02.04.2026. godine. Konkurs je objavljen na temelju Odluke o usvajanju dinamičkog plana potreba za raspisivanjem konkursa za izbor u zvanje za studijsku 2025/2026. godinu Univerziteta u Sarajevu - Fakulteta političkih nauka broj 02-1-1202-1/25 od 10.06.2025. godine (tabela 1, pozicija 4, 5, 6), Prijedloga Odluke Vijeća Univerziteta u Sarajevu - Fakulteta političkih nauka broj: **02-1-368-1/26 od 10.03.2026.godine**, broj 02-1-369-1/26 od 10.03.2026.godine, broj: 02-1-370-1/26 od 10.03.2026.godine i Odluke Senata Univerziteta u Sarajevu 01-7-99/26 od 25.03.2026.

Na konkurs za izbor akademskog osoblja - saradnika u zvanje viši asistent na naučnu oblast „Sociologija” prijavila su se dva kandidata i to:

1. **Selma Alispahić**, prijava zaprimljena pod brojem 02-1-536-1/26, zaprimljena dana 10.04.2026. godine.
2. **Samir Sinanović**, prijava zaprimljena pod brojem 02-1-613-1/26, zaprimljena dana 27.04.2026. godine, poslana poštom 24.04.2026.

Prijave kandidata su blagovremene, što je konstatovano Potvrdom o blagovremenosti (03-1-638 - 1 /26 od 29.04.2026. godine).

Prijave kandidata su uredne i potpune, što je konstatovano Potvrdom o urednosti (03-1-723-1/26 od 15.05.2026. godine).

Potvrde su izdate na osnovu člana 255. (blagovremenost) i člana 256. (urednost) Statuta Univerziteta u Sarajevu.

II OSNOVNI BIOGRAFSKI PODACI KANDIDATA

1. Selma Alispahić, rođena 27.03. 1995. godine u Sarajevu gdje je završila svoje cjelokupno dosadašnje obrazovanje. Što se tiče radnog iskustva kandidatkinje, u vrijeme dodiplomskog studiranja (novembar 2018 – septembar 2019) bila je angažirana kao demonstratorica i pružala stručnu i tehničku pomoć u organiziranju nastave na Odsjeku za filozofiju, pripremala prezentacije i vježbe za studente, te pomagala u vođenju evidencije o prisustvu studenata. U svojstvu istraživačice na projektu „Budžetske prakse na nivou lokalne vlasti i rodno osjetljivo budžetiranje“ kandidatkinja je radila u periodu od septembra do novembra 2020. godine za Academy for Women. Posao istraživačice obavljala je i za Sarajevski otvoreni centar na projektu „Prava žena u BiH“ u periodu februar mart 2021. godine. Od juna do jula 2021. godine kandidatkinja stažira (Internship) na Institutu za filozofiju i društvenu teoriju Univerziteta u Beogradu, a od maja do novembra radi na projektu „Global Feminist Pitch“ Heinrich Boll Stiftung. Za asistenticu na Odsjeku Sociologija Fakulteta političkih nauka Univerziteta u Sarajevu kandidatkinja je izabrana u oktobru 2022. godine gdje radi do danas. U okviru svojih asistentskih dužnosti izvodi vježbe na predmetima: Uvod u filozofiju, Uvod u Sociologiju, Politika i etika, Etika i socijalna pravda, Sociologija religije, Religija i međunarodni odnosi, Sociologija siromaštva, Sociologija roda 1 i 2 te Savremena filozofija. U isto vrijeme obavlja dužnosti sekretara Odsjeka Sociologija, a od novembra 2022. godine i dužnost koordinatorice doktorskog studija, istraživačko polje: Sociologija na Fakultetu političkih nauka Univerziteta u Sarajevu. Od jula 2024. godine kandidatkinja obavlja dužnosti sekretara redakcije naučnog časopisa „Sarajevski žurnal za društvena pitanja/Sarajevo Social Science Review“ na Fakultetu političkih nauka u Sarajevu.
2. Samir Sinanović, rođen 4.1.1996. godine u Tuzli. Osnovno i srednje obrazovanje stekao je u Kalesiji, a fakultetsko na Univerzitetu u Tuzli. Kandidat je naveo dvogodišnje radno iskustvo u organizaciji Save the Children International na projektu starateljstva za maloljetnike bez pratnje na projektu za migracije pri Centru za socijalni rad Kalesija u periodu od 2020. do 2022. godine. Trenutno je zaposlen na Filozofskom fakultetu Univerziteta u Tuzli kao viši asistent za užu naučnu oblast Sociologija sa zasnovanim radnim odnosom.

III OBRAZOVANJE KANDIDATA

1. Selma Alispahić je diplomirala na Filozofskom fakultetu Univerziteta u Sarajevu, Odsjek filozofije i sociologije 2017. godine (prosječna ocjena 9,58); magistrirala na Filozofskom fakultetu Univerziteta u Sarajevu, Odsjek filozofije – nastavnički smjer 2019. godine (prosječna ocjena 9,89), magistrirala na Filozofskom fakultetu Univerziteta u Sarajevu, Odsjek sociologije 2020. godine (prosječna ocjena 9,64); te magistrirala na Univerzitetu u Sarajevu i na Univerzitetu u Bolonji (Italija), Centar za interdisciplinarne studije, European Regional Master's Programme (ERMA) u oblasti demokratije i ljudskih prava u Jugoistočnoj Evropi 2022. godine (prosječna ocjena 9,0). U okviru programa 'ERASMUS + mobilnost' kandidatkinja je 2022. godine završila postdiplomski program (postgraduate fellowship) Gender Equality Studies and Training Programme na School of Humanities, University of Iceland s postdiplomskom tezom: „Harmonizing the narratives on the concept of gender in the context of trans-feminist solidarity in Bosnia and Herzegovina, Serbia and Montenegro“. Time je ostvarila dodatnih 30 ECTS, sa kvalifikacijom Fyrsta einkunn (prva klasa). Od 2023. godine kandidatkinja pohađa Interdisciplinarni doktorski studij – istraživačko polje: Sociologija na Fakultetu političkih nauka Univerziteta u Sarajevu. U momentu prijave na ovaj konkurs ima položene sve programom predviđene ispite s prosječnom ocjenom 10 i prijavljenu doktorsku disertaciju pod naslovom „Sociologija antifašizma: teorijsko oblikovanje antifašističke prakse“ koja je prihvaćena odlukom Senata Univerziteta u Sarajevu 28.5.2025. godine. Kao dio dokorskog istraživanja kandidatkinja je aplicirala i kao korisnica dvomjesečnog granta prihvaćena je na EUPeace program doktorske mobilnosti na Philipps-Universität Marburg, Geschichte und Kulturwissenschaften, Neueste Geschichte od juna do augusta 2026. godine.
2. Samir Sinanović je na Filozofskom fakultetu Univerziteta u Tuzli stekao zvanje 'bachelor filozofije-sociologije' 2019. godine s prosječnom ocjenom: 9,58, a 2025. godine, na istom fakultetu stekao zvanje 'magistra sociologije' s prosječnom ocjenom: 10. Na Filozofski fakultet Univerziteta u Tuzli u saradničko zvanje asistenta za užu naučnu oblast Sociologija sa zasnovanim radnim odnosom biran je 2022. godine, a od 28.2.2026. godine izabran je u saradničko zvanje višeg asistenta za užu naučnu oblast Sociologija. Kandidat je također

stekao pedagoška iskustva obavljajući pedagošku praksu 2018. godine u JU mješovitoj srednjoj školi 'Kalesija', odnosno metodičku praksu u JU Gimnaziji 'Meša Selimović' u Tuzli 2019. godine.

IV NAUČNO-ISTRAŽIVAČKI I STRUČNI RAD KANDIDATA

Popis objavljenih radova iz naučne oblasti Sociologija

1. Selma Alispahić je kao autorica i koautorica objavila 11 naučnih radova od čega 9 u časopisima, a 2 u zbornicima radova. Od 11 radova njih 9 se referira u priznatim međunarodnim indeksiranim naučnim bazama među kojima je i SCOPUS. Kandidatkinja je priložila i dokumentaciju po kojoj je objavila i 3 prikaza knjiga te 10 drugih tekstova i publikacija stručne naravi.
2. Samir Sinanović je kao autor ili koautor objavio je 5 naučnih radova i to 4 u zbornicima radova. Kandidat nije dostavio dokumentaciju o referiranju radova u međunarodnim indeksnim bazama.

Učešće na međunarodnim i domaćim konferencijama i skupovima

1. Selma Alispahić je učestvovala sa autorskim izlaganjima na 23 međunarodne i domaće konferencije, za što je priložena adekvatna dokumentacija s agendama konferencija. Također, kandidatkinja je, prema uvidu Komisije u priloženu dokumentaciju, učestvovala u organizacionim i programskim odborima (21) međunarodnih i domaćih naučnih konferencija, javnih diskusija, gostujućih predavanja na Univerzitetu u Sarajevu, promocija knjiga i različitih edukativnih radionica.
2. Samir Sinanović je učestvovao sa autorskim izlaganjima na 7 međunarodnih i domaćih konferencija za što je dostavio odgovarajuće potvrde (certifikati učešća), ali bez dostavljenih agendi. U dodatku kandidat je dostavio i potvrde o učešću na 2 edukacijska kursa i 2 'eventa'.

Učešće u međunarodnim i domaćim projektima

1. Selma Alispahić je učestvovala, odnosno učestvuje na 5 međunarodnih projekata u svojstvu istraživačice i članice projektnih timova za što su navedene odgovarajuće potvrde.
2. Samir Sinanović je učestvovao prema materijalima koje je Komisija zaprimila u 1 naučno-istraživačkom projektu.

Nagrade, priznanja, doprinos internacionalizaciji

1. Kandidatkinja Selma Alispahić je dostavila 5 nagrada i priznanja za internacionalizaciju aktivnosti Fakulteta političkih nauka Univerziteta u Sarajevu, doprinos unapređenju i afirmaciji Odsjeka Sociologija te potvrdu o uspješno završenom TRAIN programu UNSA.
2. Kandidat Samir Sinanović je dostavio 3 zahvalnice za učešća na skupovima i radionicama.

V ZAKLJUČCI S PRIJEDLOGOM KOMISIJE

Komisija jednoglasno konstatira da oba prijavljena kandidata ispunjavaju sve zakonom propisane uvjete za izbor u saradničko zvanje **viši asistent** u skladu sa članom 112. stav 2. tač b) Zakona o visokom obrazovanju („Službene novine Kantona Sarajevo“ broj 36/22,28/25) i članom 226. Statuta Univerziteta u Sarajevu. Uvidom i analizom priložene dokumentacije oba kandidata Komisija je ocijenila da kandidatkinja SELMA ALISPAHIĆ posjeduje značajnije i jače reference u kontekstu naučnih radova, učešća na međunarodnim i domaćim konferencijama, skupovima i projektima, te u pogledu nagrada, priznanja i doprinosa internacionalizaciji i javne angažiranosti za izbor u zvanje višeg asistenta na naučnu oblast Sociologija na Fakultetu političkih nauka Univerziteta u Sarajevu.

Na osnovu svega navedenog, Komisija predlaže Vijeću Univerziteta u Sarajevu-Fakulteta političkih nauka da usvoji ovaj izvještaj te da SELMU ALISPAHIĆ, izabere u zvanje **VIŠI ASISTENT na naučnu oblast SOCIOLOGIJA** i da taj prijedlog proslijedi na Senatu Univerziteta u Sarajevu na daljnju proceduru.

KOMISIJA:

1. PROF. DR. ASIM MUJKIĆ

2. PROF. DR. VALIDA REPOVAC-NIKŠIĆ

3. PROF. DR. DINO ABAZOVIĆ